

Der Schlüsselhund

Es it scho racht, vergass tuet jeder
amal wos. Ober unner Nachbar der vergisst
doch jedn Doch es Gleicha, und zwar sein
Schlüssl für sei Gärtetürli. Wenn er hemm
kümmt sücht er ümmer sämtliche Kittl- und
Housetaschn durch bis er merkt, er hat sein
Schlüssl widermal vergassn. No ja, na mueß
er halt übers Pförtli schdeich. Es it ner
guet, däss des nit sou hoach it.

Seit a por Doch hetz sah i däss er, wenn
er hemm kümmt, ümmer sein Hund pfeuft.
Nacher langt er durchs Gitter, mäicht wos
a sein Fifi und nacher schläüßt er auf.
Gestern ho i na amal gfrächt wurüm er ümmer
escht sein Hund schdreicht bevor er rei
geht. Na hat er mer verratn, däss er sein
Schlüssl, weil er na halt ümmer vergibt,
an Fifi sein Halsbandla khengt hat. Ja hat
er gement, dumm dürf mer sei, wenn mer sich
ner zu helfn wäß. Vo en Frömme lesst der
Fifi dan Schlüssl natürli nit ro mach.

